

湖南府縣志輯

中國地方志集成

乾隆衡州府志(一)

K296.4
10
23

中國地方志集成

湖南府縣志輯 ③④

乾隆衡州府志(一)

江蘇古籍出版社●上海書店●巴蜀書社

重修衡州府志序

統薄海內外之民而甄陶之聿臻道

一風同之盛者

聖天子之事也領一郡一邑之寄而整齊

化導其民人者有司之責也將監於

成憲俾罔所愆可資以厚民生而正

衡州府志 卷之首 饒序

民德者大之一統之志小之郡邑之

乘也衡之為郡居楚上游倚嶽枕湘

雄深阻固周遭豈惟千里蓋屹然重

鎮也仰惟

熙朝德澤溥聲教覃敷絕徼極邊咸開

為郡縣幅員之廣數萬里而遙自唐

虞三代以來未有如今日之大一統

者顧地濶則教化難周人眾則撫字

不易雍正十年我

世宗憲皇帝念桂陽州壤地遼濶生童就試

維艱改桂陽為直隸割臨藍嘉禾以

屬乾隆二十一年我

衡州府志 卷之首 饒序

二

皇上又以衡陽地廣事繁析東南境分設

清泉今之衡州非昔之衡州也而志

仍昔衡州之志官斯者何以諳因革

生斯者何以厘則效耶

佐

下車即有

志從事無聞前舒守曾定議嗣以憂

去留捐貲以襄斯役

佐

何能不亟戴

厥事特以莅郡之初簿檄勾稽旁午
卒卒未遑數年以來考棚式廓庠序
聿新郡之有闕文教者漸次修舉今
壬午之秋始分延郡紳士能文者司
其事採擇搜訪選匠開雕剋日而書
告成竊郡志之不修八十餘年矣前

此渠無一籌及此者毋亦執掌於簿
書而未之逮舒守議已定而又以故
去纂輯之事不幾難乎因念志通於
史所以資治而志與史微異史主作
而志主述也顧仍舊之志主述而初
始之志則述而無作惟志以紀實無

取文飾每援此義互相啓告幸諸紳
士虛衷集益周咨博訪不漏不誣凡
上而象緯下而山澤錢穀兵農師儒
典禮羅羅若掌紋俾八十餘年之缺
軼聿成完編官斯者可以資經濟生
斯者可以深仰止而於古者太史陳

詩之旨其庶有當焉若曰以供騷人
詞客尋幽弔古之資其末焉者已志
中編纂節目既已具各條其體製又
已略見凡例中無庸複縷姑為述其
成之由如此云

乾隆二十八年歲次癸未孟夏月知

湖南衡州府事加二級豐城饒仝謨

衡州府志

卷之首

五

原序

張奇勛

考九州各有星土玉衡主荊州又祝融爲天南巨鎮衡郡之得名以此夫衡平也不平不可以爲治惟明之末造連歲用兵其間震蕩虔劉人文風物凋喪畧盡衡之失太平於今三十禩不平甚矣我

朝休養生息又若而年然猶桑麻不藝井竈蕭條是何耗斂之易而樂利之難也丁未冬余自晉陽擢守茲土受事之始目貽心恫思爲起敝維衰之計倣昔之操刀而割績著此邦者烹鮮若何製錦若何以爲吏治師庶得其所所以平之者乃搜掌故而索遺文竟如

衡州府志

卷之首

原序

一

象罔之探珠求其零篇賸字不可得噫嘻詎人既選典型失墜余安所取衷哉因欲廣蒐傍討集郡士大夫共哀所聞勒爲一書以垂永遠久之未逮也已而隱君周子令公閒衣褐見相與揚摧故實屬以纂修周子遂巡以舊志未獲爲辭會庠生王生之變購得之持以進予乃輟然意遂上其事于 太中承盧公與 藩臬諸大人俱報可且謂余于衡髦髦焦思奔馳竭蹶之未遑而議及緣飾藻繪之事尙得以俗吏目之哉余唯唯謝不敏爰差穀旦執簡以授周子且聘文學鄒生章周共襄厥事昉于庚戌之秋仲報成

於辛亥之首夏爲卷二十有三總目十三分類九十

有奇舉凡星野沿革錢糧兵農師儒禮樂風俗物產以及人才之彬蔚災眚之修救徽音闡及於閭閻末品弗遺夫淄黃亦旣脩矣而余竊有感焉攷舊志之作在明萬厯之癸巳寥絕疎曠迄今七十有九年其間豈無簪筆之碩彥與好文之長吏足以徵文考獻乃至中更大變祖龍地燼舊聞放失駸駸悠悠以迄茲日然後以修明之責寄之余與二三子意者時會之適然耶夫典籍者政術之藉也賦役不定則不知杼柚之空也學校不興則不知教化之起也風俗不

衡州府志

卷之首 原序

二

審則不識貞淫之所由別也官師不述則不解歌思怨誦之何以作也多士逸于堊武備弛于疆何以光賓興之舉壯干城之衛也前賢之風嫩不著壺德之幽貞不彰何以發景行之慕厲節烈之操也氛祲不晰于五行攘斥不加于二氏何以盡消弭之道立先聖之閑也苟思更化必先言俗苟思善俗必先宜民披圖覽籍政教于是乎出焉將所謂平之者在是歟後之保釐此邦者于此取衡則格人元龜之助也寧僅作湘中風土記已哉

原序

周士儀

郡有志以備考也顧遑策已陳而世故日新前人雖欲備之不克備也衡志昉自有元明正統中纂於郡人范禮繼增於劉侍御徽再輯於伍大叅讓三百禮中修明纔三見爾當日何嘗不云備及今眎之遂如火之需薪否則熄矣則以前人不能豫爲後人備之故也歲亡亥郡伯李東園先生慨然欲增新之命邑博投東於儀將以觚翰見授自度淺陋固辭獲命遲之十年松翁張太公祖來守是邦殫思竭慮朝夕糾虔鰓鰓焉以訓方型俗育才乂民爲務既三載底

衡州府志

卷之首 原序

三

可續於是訪衡謀野思哀遺文爲潤色經綸之具俾吾衡政教有章徭賦有考食貨有經人物有紀以備前人之所未備意良厚已猶兢兢未肯擅迺上請於大中丞公旣得請引車式廬命儀與弟儼暨鄒子章周董若役焉力謝望再始拜公聘而弟儼適奉檄入都儀與鄒子分類校讐鷄晨燈夕匪遑寧處顧自萬厯癸巳以還歷季滋久而况東海揚塵西園削色隱桓之日已遠定哀之詞宜徵而欲標目摘文分曹奮筆蓋亦難矣然其間有必循之義例無可畧之典章雖事蹟宜準諸今而體裁一衷於古於是言以

類從自由綱舉寧採秋實毋擷春華汝南之月旦可
師夾深之幡閣足鏡恐有所闕不足備前人之所未
備聿觀疆寓所肇隸在職方上欽天時下審地絡以
及林麓川澤古所望舟鰲之所守也作封域志第一
仰觀俯眎而人事以興凡伊瀍立冢崇堂除道息民
事神罔敢後也作營建志第二攸居既奠爾宅爾田
三讓底貢公旬赴役奉上之義所由激也作賦役志
第三均徭平歛民用以康苟非親遜未式於化千羽
管磬以肄以將作學校志第四沐浴歌詠比戶可封
誠使俗不卽淫貨不棄地則安寧之術也作風土志
衡州府志

卷之首 原序

四

第五阜民之產而去其懸職在有司苟利茲土名棠
邵黍百世依之作秩官志第六若夫三物以賓賢書
彙進師帥之效也觀國利用賁及丘園柁幹栝柏實
維楚有作選舉志第七匿文不昭覲武無烈乃既矢
懿德亦省干戈則揆奮同功經緯共貫作武備志第
八定邦戢亂人才爲之山川之氣鬱爲國華立德立
功詎容晦翳作人物志第九程品之法君子斯貴巾
幘奚取焉乃錚錚之槩足抗鬚眉誰謂鍼管遂無形
史作列女志第十人之性情精者爲言文章言之至
精者也其體非一或論神時政或韻涉景物咸騷辯

之遺也作藝文志第十一大畧備矣然而天人所感
政令所名勞逸恩怨之所積得失治忽之所伏何嘗
不徵爲景卿變爲罔象省日省月修禮修刑可以觀
德作祥異志第十二夫志者志也志以內者志之外
此可無志然亦惡其不備彼蓬山鶯嶺羽客空王二
氏之說浸淫已極弗爲之防大道將裂作外志第十
三諸所編次頗費討尋既登鴻蹟兼採碎錄譬之侯
鯖調自君卿之鼎亦如春蘭澡諸幌氏之機凡八閱
月耳目心手更迭爲用幸得成帙以報命於 大執
事僅比兎園之冊聊備遺忘云爾若猶有未備者則
衡州府志

卷之首 原序

五

以今人不能爲後人備之猶前人不能豫爲今人備
也又俟夫來許之博物者焉

原序

周士儀

伊昔庚戌之歲儀拜郡大夫榮陽張公祖命偕文學鄒子殫力於郡乘之役未替而鉛槧告竣亦既懸國門將以上內史矣亡何遽丁大變自寅迄午嶽動海飛其工之頭觸不周蚩尤之霧迷涿鹿勝國以來亂未有若斯之棘也人民城郭舉非其故曩年黎棗非焦于燹煙則委諸馬棧安能有完璧耶時儀攜一蒯緱旅食燕市已而薄游淮海泛宅西湖羈人登王粲之樓暮齒擬子山之賦林逋籬雪半染巖毛而昔年紀風編俗之書每載行笥未嘗去也閒一披覽鄉

衡州府志

卷之首

原序

六

園景物如在目背蜀思越吟輒爲悽惻又或旁檢它書其言其事有繫于吾郡爲嚮來聞見所未逮者卽臚之掌股且因以訂其謬誤久之成帙期留爲異日補修藍本洎己未春郡獲寧堵始擔簦歸里而長兒太學生豐謚先朝露已二年矣西河之慟奚止喪明羸博之傷未及掩坎欲取前書而讐校之哀纏五內卒卒何堪次季夏出應兩湖大中丞李嵩岑先生召復買武林之棹淹留歲餘勸而言返適我郡祖慎翁譚侯自民部即移守於此溫惠誠篤蔚然良牧博綜大雅允矣名家甫下車輒有釐偏振敝之思掇閱

殘篇慨焉興感慮是非頓失於陽秋而直道終灰于秦焰也爰咨掌故仍以殺青授簡於儀而儀不忍棄成勞尤不敢忘前事再起受命因折柬以招鄉子共續舊緒池之日戈廻而手沐之斯固幹蠱庚張之一候也乃吾衡出汗染之餘其待維新者非一事而郡乘其嚆矢也乎我郡侯襟宇春融迢然以禮樂濯俗庶幾乎文翁之化蜀固非儒俗吏能逮其萬一者儻由此而推行盡利使一郡之敝者剔墜者舉治道蒸蒸有完無刳跡諸此矣聞侯之筮仕于蔡也亦首以邑乘爲務乃知文章爾雅之彥不矜矜于程簿

衡州府志

卷之首

原序

七

書而汲汲于樹風教其意蓋已遠矣是役也仍而不改者半正其譌艾其蕪與增而續之者亦半一以存榮陽公之舊蹟一以闡今大夫之新猷至于紀事敘詞寧質毋華衡品程人寧覈毋僞一念不敢阿所好一字不肯徇所私視昔倍爲謹凜斷不違于三古之遺直者是則儀可自信以信于同志者也蓋儀從事于志乘也數矣癸丑泚筆于潞水戊午訂定于鹽官雖風尚不齊而條例弗異今歸而肆考以落其成其益有所取衷也夫

原序

鄒章周

庚戌八月梧露初下章方亢鉛鐮提槩篝龔舌稽之

亦有秋也太守張榮陽夫子庶績底成將登典故

備憲章以討實之責貢書幣於郊廬惟章之業夙在

詩也詩曰維桑與梓必恭敬止古人于鄉之草木猶

懼有隕越焉矧一郡之文獻是毗卽乞霍靈爲觚挹

湘沅爲滴恐不克修明稱塞上大夫之幣命豈僅

若畏一枝之卽戾已耶抑聞之張茂先至瑯嬛石室

各有奇書一室則歷代史一室則萬國志一室則玉

京紫微金真七瑛丹文秘字也夫國志且與紫微秘

衡州府志

卷之首 原序

八

籍並珍瑯嬛匪徒爲傳世之策矣章何人斯以溝斷

屏青黃閒雖幾無清人安敢不經營內熱懼而益之

以感也蘭臺之史尙本子駿詹事之書取資彥伯故

簡具燼荒邈無托則懼謬廢墜幾八十年郡無月存

日秩之老卽偶出田閒亦鄙僂無當周咨則懼疎清

議如響一行失稽非疑有報德卽誣以索米則懼謗

實則後已名則先人比比而是苟廉不方以憲孝不

方以參非公爭爲投牒卽私忱以門戶則懼媮此四

者其大約也至於所感則觸類而興誠不知其自來

也取章如故也昔井舍之芄黍今爲蒿原矣昔叢阜

之金魚今在人閒矣高深不易觀乎考工取新也仙

宮梵宇糾碧漸復壯矣經閣講堂瓦礫猶難除矣先

後不失序乎竭繭而絲者彼自亡繭于下損戶而障

者已且失障于上則其賦難而治賦之尤難也樹黃

茂者非沃壤則易枯治稂莠者雖瘠土亦易莠則育

士難而士自育之尤難也縷益朱紘君子且以爲濫

矣而市井窮金珠之飾何底乎觴豆衽席君子嘗惡

其犯矣而衣冠成凌粹之風何始乎實治亂之由也

卓茂朱邑之禁濶矣破觚爲圓而罔漏吞舟之名奚

失乎王溫舒嚴延年之聲烈矣威隙姦起而揚沸救

衡州府志

卷之首 原序

九

火之術奚得乎實安危之本也考賓興則氣塞風雲

選徒御則聲如虓虎豈文匿而武過覲耶詢士行則

青簡有量昭幽儀則彤管殊勞豈陽伏而陰不愆耶

文藝之古淳而今漓古蘊而今盡也則世運漸遙也

職殿之示祥而移災示凶而移吉也則人事自邇也

若夫瞿曇老莊之言滛泆枉枝且欲奪濂洛關閩之

席于吾衡爲尤甚仁山太虛密齋學父諸先進而後

莽莽殆百年安得有仲尼之徒辭而闢之廓如乎此

尤感極而欲憤者也范蔚宗嘗自述其撰書之意謂

欲因事發論以正一代之得失章何人斯幸廁筆從

涉園周先生後編次之餘感及而論每妄及之其有感而未論者則涉園與伯兄定之臯敏已分及之至正也或以爲懼近蕙感近狂蕙與狂章皆不敢任章之懼與感也要歸於敬桑梓而已敬則正正則或可以報 上大夫矣雖然章固習授兔園冊者也瑯嬛石室則有俟乎後之君子

衡州府修志姓氏

鑒定

李少保兵部尚書都察院右都御史總督湖廣等處提督軍務兼加五級愛必達
李少保軍務提督都察院副都御史總督湖廣等處提督軍務兼加五級陳宏誥

同鑒定

特授湖南等處承宣布政使司布政使加三級來 朝

特授湖南等處提刑按察使司按察使加三級五諾璽

特授湖南等處糧儲道加三級劉秉愉

特授湖南驛鹽長寶道兼水利加三級淑 寶

特授湖南衡永郴桂道加三級孔傳祖

衡州府志

卷之首

姓氏

纂修

特授湖南衡州府知府加二級饒 佺

同修

湖南衡州府糧鹽總捕通判加一級席 綸

分修

湖南衡州府衡陽縣知縣陶 易

湖南衡州府清泉縣知縣江 恂

湖南衡州府清泉縣知縣鄒 健

湖南衡州府衡山縣知縣張何衢

湖南衡州府耒陽縣知縣沈惠祖

清 泉 縣 訓 導 尹 光

二

衡州府志

شماره ۱۰۰

凡例

一志重沿革桂陽改隸清泉新設沿革之大者開卷瞭然八十年未修之書卽此以成完帙

一志必有圖入景之繪昉自潘安仁而楊用修訾之謂域中安得有如許景今但圖郡城諸切要者餘從芟

一衡郡以山得名今圖衡嶽諸峯於端

一山川除各屬界畫井然應從分列外其七十二峯雖有數峯隸他邑者統入衡山山川志中衡山縣原以嶽得名也

衡州府志

卷之首 凡例

一田賦自前明墮糧素爲民困幸我

朝

聖聖相承凡捏墾加攤等累屢奉減免尤當備載以紀

皇恩

一選舉除進士舉人貢生暨監生吏員已出仕外其監生及掾吏考職人員通志未經編入各縣志亦有無不等今槩不敘列

一宋元鄉舉府縣舊志多未載入今就有可稽考者間載以免湮沒

一現在官師雖有惠政不在紀述之科以近諛與誦功德者無異故畱以俟來茲久而益信耳

一人物特由采訪從前修湖廣通志及近修湖南通志以地方遼濶諮訪難周時局中司事人得各舉所真知灼見者采入今郡志未便委之司事必均由縣結報以期確實

一節婦未奉旌表者例不當載然有苦節而力未逮者詎忍竟歸湮沒覈實錄之以發幽潛

一志中稱謂自制撫以下皆稱名以郡邑志爲一統志權輿尊

衡州府志

卷之首 凡例

帝制也其篇首簡末敘論則稱謂從便

一志通於鑑所以資治藝文之選惟東其關政治闡幽潛者其吟咏繫乎此邦山水者亦登之若寺觀碑記及游人贈答雜文均在所汰

衡州府志目錄

卷之一

星野

卷之二

沿革

卷之三

輿圖

卷之四

形勢

卷之五

衡州府志
卷之首
目錄

疆域

卷之六

山川

卷之七

古蹟

卷之八

城池

卷之九

津橋

卷之十

公署

卷之十一

驛舖

卷之十二

藩封

卷之十三

戶口

卷之十四

田賦

卷之十五

衡州府志
卷之首
目錄

倉貯

卷之十六

學校

卷之十七

壇祀

卷之十八

風俗
附節序

卷之十九

物產

卷之二十

兵防 附武秩 塘汛

卷之二十一

職官

卷之二十二

循良

卷之二十三

選舉

卷之二十四

人物

卷之二十五

衡州府志 卷之首 目錄

列女

卷之二十六

游寓

卷之二十七

陵冢

卷之二十八

寺觀

附仙釋

方伎

卷之二十九

祥異

卷之三十

三

藝文一

卷之三十一

藝文二

卷之三十二

藝文三

卷之三十三

藝文四

衡州府志 卷之首 目錄

四

辨誣

先中丞公以都察院右副都御史撫湖廣爲屬吏衡州府同知沈鈇誣劾獲譴抑鬱以卒當世士大夫無不知公之冤而鈇以糾參大府負剛直名衡州府志載入名宦具其事省志採府志亦列入焉是不可以不辨公舉禮部試張江陵相國實爲座主公以才受知江陵奪情時方以給事中居母憂服闋補刑科改吏科江陵勢方盛然終江陵之世未嘗有殊擢江陵敗忌者論公與江陵密公陳辨忌者沮累遷京卿擢都察院右僉都御史撫南贛以平蠻平妖功神廟璽

衡州府志

一

書褒獎并書擒獲有功四字以賜公嘗命工繪圖紀事今圖尙藏於家其事蹟具長洲王百穀先生稱登所爲傳中閱三年進撫湖廣屬大旱公疏請蠲賑全活數十萬人見全楚奏議救荒錄武昌郭文毅正域爲之序無何御史郭實復追論江陵事得旨解職會南贛勘功疏上將推用忌者益思有以中之而代撫楚者又素與公有郤乃噉鈇撫公侵匿贖鍰公費事劾奏公竟得罪烏庠公之被誣蓋始終以江陵故耳江陵當軸綜覈名實海內晏然縱以奪情冒不韙而功在社稷無論公無所阿比卽如言官所論列後世

當有諒公者有明中葉朋黨之勢成廟堂水火互相齟齬而國是亦以日非是可痛也且鈇所列公罪狀尤有不可不辨者方公移鎮全楚楚中例撫臣歲以罰鍰五千兩餉邊公至則前此一年者未解也衙門公費歲以一千兩爲額公至則後此一年者已預支也歲荒民困公方力爲補苴而鈇纖悉檢括誣公侵匿銀一萬五千兩鈇之言曰貪婪撫臣被劾回籍垂涎十五府庫藏盜括萬餘金乞追贖正法而其所條舉者俱係檄取之罰鍰公費而於貪婪之跡侵匿之實皆不能有所指名試思巡撫果肆貪婪何難廣通

衡州府志

二

賄賂而止取贏於罰鍰公費耶且公當時已奉旨解職矣如欲侵匿何敢以被劾之官擅用檄文耶今鈇疏現刊志中觀其所論列鍛鍊文致固不待知者而後知矣公廢後相國張文端位上疏議時政言公冤嘉興支公大綸著編年史亦載鈇誣公事鈇旣以劾公擢九江府知府冢宰孫恭毅丕揚惡之卒以貪穢職後坐罪論死其父自經代公者亦敗公素骯髒既遭污讟嘗建漢壽亭侯廟于吾邑之崇安寺爲文自陳公沒而鈇父子之禍作殆公之靈已得請於帝惟以先世累有功德於楚具著史乘而公獨不幸爲鈇

所污至今不得白此文毅序中所欲指九天以爲正而百穀所歎息痛恨於諸人者也嘉慶六年瀛司臬湖南爰取文毅全楚奏議序及百穀所爲傳鈐諸板以俟後之續楚志者試與鈇疏參觀之其是非自見文毅爲前明名臣所稱當不妄百穀先生名列明史文苑傳入世孫瀛謹述

按先端敏及先中丞先後撫楚湖廣通志及湖南通志官職內載先端敏而遺先中丞又先虹洲公諱梁嘗按察湖廣先端敏由分守大梁遷山東右布政使未嘗一任楚臬也通志並載入湖廣按察

衡州府志

三

使而端敏列虹洲公後年代倒置虹洲公官終江西右布政使今江西通志遺焉聞修志者以題名碑爲據碑字漫漶處卽缺之蓋志之不足信如此并識

江南通志本傳

秦燿字道明無錫人隆慶辛未進士選庶吉士歷兵刑吏三科給事中進太常少卿移光祿擢僉都御史巡撫南贛岑岡賊李佩者李文彪遺孽王守仁城洞時所未平也蠡結三世矣燿入境甫三日出不意傾其巢南雄妖僧圓朗以白蓮符誘眾聚閩粵處山岡燿設計殪其渠而散解其眾先後事聞皆賜金進級燿飲然不居摹守仁抑抑堂石刻懸廳事拔士之秀者餼於濂溪祠而勤課之晉撫全楚楚大旱疫撫輯盡致爲怨者論罷歸已而怨者尋敗

衡州府志

四

故中丞秦公傳

王穉登

嗚呼君臣之際豈易言哉古大臣忠誠貫金石勲業震天壤而放流竄斥不保功名者往往而有命實爲之謂之何哉今如無錫秦公者內則補闕拾遺外則宣勞禦侮雖遭讒譴而實非其罪士大夫莫不爲之搥擊而痛惜余爲之傳乃稱故中丞云公名燿字道明人稱舜峯先生秦蓋出宋龍圖閣直學士少游先生後少游子湛侔常州因家焉十三傳至處士惟慎徙無錫又六傳至都察院都事鏗鏗從弟端敏公金爲嘉靖間名臣鏗生辰谿令淮祀辰谿名宦淮生衡州府志

五

永昌守禾禾生公十二能屬文旋補博士弟子二十一登賢書二十八成進士由庶吉士授給事中歷太常少卿翰林院提督四夷館既進太僕光祿二卿擢都察院僉都御史巡撫南贛又進右副都御史撫全楚被誣得罪罷公在諫垣歷諸卿寺皆能其官前後奏疏數十萬言其在南贛擒逋寇李文彪孫李佩及妖僧圓朗先後事聞皆賜金進級其在楚則賑饑掩骼施藥療貧民疫癘者捐錕濟諸生凍餒者所全活不翅數十萬人黜墨吏素點薦牘者一人捕劇盜出沒襄陽者數十人曰吾所黜宦而盜者也吾所捕盜

而盜者也居亡何言者以江陵故相波及因解職江陵蓋公座師也部吏沈某驚而善訐自比遷客好使氣陵人上官皆憚之莫敢問他日在坐中極詆譎撫公呵之迫公去楚日夜伺其短不得會大僚有憾公者嫉之遂以交際濫費官錢劾公于是命下逮公公單車詣闕議罰當城旦昔李牧邊城郡將耳日收市租椎牛饗士不聞吏議媒孽之者中丞擁旄秉鉞爲縣官禦侮勘亂僅取贖銀爲公費何物小子欲快其私憤言不待三杼且投矣是皆淺夫曲士敝敝以博名高徇小廉而昧大體設有猝然之變卽斗粟束芻

衡州府志

六

倉皇莫辦况欲行千金之賞萬金之閭哉所謂其帥可縛而致也一旦天子知公冤以病放歸田里浮雲去氣翳消大明中天魑魅屏伏則公之冤白而公之心亦慰矣方公之歸也屏跡公府有園在惠山之麓曰寄暢雅得泉石池臺之勝每集名流嘉客觴咏其中然每念其先端敏嘗撫楚平郴桂飯苗以功名終而已獨不幸爲屬吏所誣感憤鬱伊竟以是卒嗟嗟青蠅點而白璧污貝錦興而賢人厄忠臣孝子擯斥放流身名俱隕者何限謾人之禍罔極矣初沈某以計公當大僚意大計目名在卓異太宰孫公丕揚拂